

摘藻堂四庫全書薈要

集部

欽定四庫全書薈要

集部

安陽集卷一至四



臣王杰詳校  
詳校官助教臣常循

欽定四庫全書薈要

安陽集目錄

卷一

古風二十三首

卷二

古風二十二首

卷三

古風九首



卷四

律詩五十四首

卷五

律詩四十二首

卷六

律詩八十三首

卷七

律詩五十五首

卷八

律詩四十二首

卷九

律詩三十六首

卷十

律詩三十三首

卷十一

律詩三十二首

卷十二

律詩二十二首

卷十三

律詩二十三首

卷十四

律詩三十一首

卷十五

律詩三十二首

卷十六

律詩三十二首

卷十七

律詩三十三首

卷十八

律詩三十二首

卷十九

律詩三十八首

卷二十

律詩二十七首

卷二十一

記

卷二十二

序

卷二十三

雜文



卷二十四

表狀

卷二十五

表狀

卷二十六

表狀

卷二十七

表狀

卷二十八

表狀

卷二十九

表狀

卷三十

表狀

卷三十一

表狀

卷三十二

表狀

卷三十三

奏狀

卷三十四

奏狀

卷三十五

奏狀 劄子附

卷三十六

奏狀

劄子附

卷三十七

書啟

卷三十八

書啟

卷三十九

書狀

卷四十

制詞

卷四十一

冊文

卷四十二

祭文

卷四十三

祭文

卷四十四

祭文

卷四十五

挽辭

卷四十六

墓誌

卷四十七

墓誌

卷四十八

墓誌

卷四十九

墓誌

卷五十

墓誌

臣等謹案安陽集五十卷宋韓琦撰琦字稚

圭安陽人天聖中進士第二歷官同中書門

下平章事集賢殿大學士封魏國公謚忠獻  
徽宗時追封魏王事蹟具宋史本傳其集稱  
安陽集因地以名晁公武讀書志陳振孫書  
錄解題宋史藝文志俱作五十卷此本目次  
相符蓋即當時原本也琦歷相三朝功在社  
稷生平不以文章名世而所作厚重剴切有  
垂紳正笏氣象呂祖謙宋文鑑錄其文十首  
其中如論減省冗費論西夏請和論時事論



青苗諸篇皆閎議正論凜然足覘其大節詩

句清新和雅尤有風人之遺又案吳師道禮

部詩話載琦手書早夏三詩備蕭散閒適之

趣為安陽集所無又陸游渭南集有韓忠獻

帖跋稱西夏犯邊琦當禦戎重任後入輔帷

幄陳謨畫策駕馭人材觀此可見今集中亦

未載此帖則編次時有所脫遺也乾隆四十

一年七月恭校上

總纂官臣紀昀  
臣陸錫熊  
臣孫士毅

總校官臣陸費墀

欽定四庫全書薈要卷一萬四千一百七十六

集部

安陽集卷一

宋 韓琦 撰

古風二十三首

瓊花

惟揚一株花四海無同類  
年年后土祠獨比瓊瑤貴  
中含散水芳外團胡蝶戲  
酴醾不見香芍藥慚多媚  
扶疎翠蓋圓散亂真珠綴  
不從衆格繁自守幽姿粹  
嘗聞好

事家欲移京輶地既違孤潔情終誤栽培意洛陽紅牡丹適時名轉異新榮託舊枝萬狀呈妖麗天工借顏色深淡隨人智三春愛賞時車馬喧如市草木稟賦殊得失豈輕議我來首見花對花聊自醉

夜合

俗人之愛花重色不重香吾今得真賞似矯時之常所愛夜合花清芬踰衆芳葉葉自相對開歛隨陰陽不慚歷草滋獨擅堯堦祥得此合歡名憂忿誠可忘茸茸紅

白姿百和從風颺沉水燎庭檻薰陸紛纓裳彌月固未  
歇況茲夏景長凡目不我貴馥烈徒自將仲尼失滅明  
史遷疑子房以貌不以行舉世同悲傷予欲先馨德羣  
艷孰可方直饒妖牡丹須讓花中王

蜂蠆

事小不可忽義或戒蜂蠆蜂蠆之中人始意脫已害人  
兮怒一蠆為報速睚眦白晝摘危巢夜燭窮纖介必獲  
而後已立死已為快彼誠蓄微毒謂已有所賴失於小

不忍而自取糜壞吁嗟陰巧徒毒萬蜂蠆大包潛中善  
良斷腕未足駭小或一身危甚則家族逮淵微如鬼神  
無隙可漏敗君子被戕賊守道不為怪有時醜迹露事  
或無可奈一旦吾道行乃置之度外使其自愧縮似不  
容覆載非力不足較顧有盛德在陰巧既常幸蜂蠆胡  
不貸

啄木

剥剥復卜卜意若念良木營營求蠹心未獲空我腹或

露一襠紅或展雙翅綠捷緣都盧撞響弄羯鼓曲搜索  
不知疲利背信摧禿忽爾破姦穴種類無遺族內孽固  
難辨一發知潛伏彼實害珍材盡殄此非酷直疑天意  
深不使嗜梁肉專為衆蠹仇待飫弗與足如今知庶味  
恣擇蟲與粟杞梓任陰賊長啄罷攻觸飽食作羣飛時  
下泉沼浴歸鳴涼樹陰暮趨高枝宿

來鴈

來鴈趨社期翩若天外至徘徊大廈間汲汲營巢意中

心有所託自謂得其地銜泥兩吻瘡旦暮不少憩主人  
愛高堂病爾如疣贅爾巢屢膚寸長挺輒摧墜胡為不  
識嫌又續前功棄何處無蓬茅自足為生計不爾卵而  
覆其禍愈非細予既傷爾愚竊復探爾志孜孜不忍去  
欲動主人義萬一憐其勤庶獲息我類巨棟既不撓出  
處安且貴其能無報乎唯守信無貳年年應候來馴狎  
如兒稚雙雙軒戶前為君作嘉致不學君家客去就惟  
勢利微羽一知歸至死不他詣



感花

雕堂瞰寶欄有花病不妍誰知窮山顛牡丹一尺圓寶  
欄鋤溉足窮山風日煎彼此不得地天道胡為然兩適  
豈易得茲恨無窮年

落葉

人觀落葉悲我視落葉喜請看四序速次第若屈指風  
霜一瞬過望春時有幾榮固悴之端衰亦盛之始須知  
衆木疎便是羣芳啓舉此較人事蓋不異物理否泰與

消長反復殊未已釀酒整笙歌坐待新萌起

讀劉易春秋新解

夫子春秋之所記二百四十有二年謹嚴之法不可犯  
欲示萬世天子權禮樂征伐必上出諸侯雖大莫得專  
周平東遷魯君隱王綱壞裂勿復聯天王所存位與號  
列國自用公承傳齊桓晉文無實義挾周徇已掩大愆  
不歸聖筆立中制誰其當罪誰其賢紛紛五傳角同異  
各專門戶執所偏遂令學者蹈迷徑不採元本遭羈牽

至于歆向父子間亦反天性相鑒鑄何休杜預范甯輩  
離經附傳以臆箋膏肓廢疾互譏病雖欲針起難自痊  
前人文字安可數議難啾啾秋嘒蟬有唐名儒陸淳者  
始開奧壤窺源泉我朝又得孫明復大明聖意疏重淵  
劉生新解最後出了無塞礙成通川所超旨義極簡正  
撐拄異論牢且堅事不歸王皆不與達經之志所以然  
詩三百可一言蔽曰思無邪而已焉方今四海大一統  
萬里號令猶君前安不思危易其治毋容僭亂生階緣

往持此說助邦政坐令當展尊如天

荅孫植太博後園宴射

花梢點紅芽綠茁宴亭爽塏棚雲列呼賓習射次序升  
體裁人人矜勞挫六鈞力副百中藝由基注目老羿拽  
支左屈右何太工象弭急收如列缺須臾一鏑入鵠心  
畫鼓連轟盡聲唱後者審固意愈精有時大呼去劈箭  
苦惜哉最是毫釐差彩侯似動筈微撼分明角勝各記  
暈將終或為一箭奪當筵主籌令難犯大白時舉出正

罰此禮自古尤所重  
矍圃去留宜有別  
五善大抵主和容  
不止穿楊與穿札  
因憶當年黠羌叛  
非才誤授將軍鉞  
帳下貔貅十萬師  
力過生犀心似鉄  
天仁未許覆兇巢  
飭謹封垂禦侵越  
悍夫猛士志待騁  
貯填憤氣何由洩  
正值高秋天氣寒  
塞場霜重嚴風刮  
約束偏裨整隊兵  
旌旗爍電戈矛雪  
驅出長郊閱奇陣  
離合應麾皆有節  
次引精銳較絕技  
控弦命中無虛發  
氣豪馬健走危坡  
直下千尋未嘗廢  
收軍校獵圍平原  
犬吠人呼鷹解

紕山麋衝軼犯勁矢崗兔奔跳迷狡穴大鵬盤空不輕  
搏老狐仰視肝膽裂駐鞍賞獲獠部曲浪瀉酒車輪染  
血將軍未酣衆心醉耳後風生鼻頭熱此日淮藩奉寬  
詔朱輪慢轡行春轍鈴索聲沉訟牒稀優游大可養疎  
拙斜蒿青青鱸膾新公醪香重醅才撥射堂對客且相  
娛不妨樂事陶嘉月襟懷聊與水雲閑夢魂猶寄關山  
闊逢辰未立赫然勲破的求功真瑣屑欲得心如外貌  
歡報國之誠盡攄豁

廣陵大雪

淮南常歲冬猶燠今年陰沴何嚴酷黑雲漫天一月昏  
大雪飛揚平壓屋風力軒號助其勢擺撼琳琅摧凍木  
通宵徹晝不暫停堆積樓臺滿溪谷有時造出可憐態  
柳絮梨花亂紛撲乘溫變化雨聲來度日階庭恐淋漓  
幾縈寒霰不成絲驟集疎簷還掛瀑蟄蛙得意欲跳擲  
幽鷺無情成挫辱冒魚江叟冰透蓑賣炭野翁泥沒輻  
閭閻細民誠可哀三市不喧游手束牛衣破解突無煙

餓犬聲微飢子哭我聞上天主時澤亦有常數滋農穀  
膏潤均於一歲中是謂年豐調玉燭此來盛冬過爾多  
却慮麥秋欠霑足太守憂民仰天祝願噓氛霾看晴旭  
望晴不晴無奈何擁被醉眠頭更縮

荅袁陟節推游禪智寺

春去惜餘景偶來郊外觀蕪城千古恨一顧殊悲酸荒  
祠枕大道尚記吳城邗遠近綠陰合水襯紅莢殘隴麥  
齊若翦隨風卷波瀾罷農喜有望守臣心粗寬蕭疎禪



智寺壞址不甚完叢花亂芍藥籬竹摧琅玕空有亭亭  
栢成行如筆端供帳具朝膳僚寀成清歡小杜詩板暗  
樂石曾未刊乘興詣茶圃百步登平巒摘焙試烹啜甘  
挹零露溥午過倦微暑堤路騰歸鞍天子憂歲旱引咎  
古所難列郡承新詔朝夕弗敢安況此行春意固不在  
遊盤朝廷責吏治莫若久其官政和氣亦應災沴無由  
干願循三載舊庶幾酬素餐

和來陟節推龍興寺芍藥

廣陵芍藥真奇差名與洛花相上下洛花年來品格卑  
所在隨人起高價接頭着處騁新妍輕去本根無顧藉  
不論姚花與魏花只供俗目陪妖姸廣陵之花性絕高  
得地不移歸造化大豪大力或強遷費盡雍<sub>平</sub>培無艷  
治東君固是花之主干芭萬夢從榮謝似矯東君汎愛  
心枉殺春風不肯嫁遂令天下走香名髣髴丹青競誇  
詫以此揚花較洛花自合揚花推定霸其間絕色可粗  
陳天工着意誠堪訝仙家冠子鏤紅雲金線粧治<sub>平</sub>無

匹亞旋心體弱不勝枝寶髻欹斜猶墮馬冰雪肌膚一  
纈斑新試守宮明似赭雙頭兩兩最多情象物更呈鞍  
面窰樓子亭亭欠姿媚特有怪狀堪圖寫見者方知畫  
不真未見直疑傳者詐前賢大欲巧賦詠片言未出心  
先怕天上人間少其比不似餘芳資假借我來淮海涉  
三春三訪龍興舊僧舍問得龍興好事僧每歲看承不  
敢暇後園栽植雖甚蕃及見花成由取捨出羣標致必  
驚人方徙矮壇臨大廈客來只見軒檻前國艷天姿相

照射因知靈種本自然須憑精識能陶冶君子果有育  
材心請視惟揚種花者

歲早晚雨

慶歷丙戌夏旱氣蒸如焚行路盡嬰暍居人猶中瘟墮  
鳥不收啄游魚幾爛鱗絺綌亦難御更值成雷蚊驕陽  
斷雨脈焦熬逾五旬農塍坐耗裂縱橫龜灼文衆目血  
坼皆日睇西郊雲守臣卹民病心亂千絲焚祈龍割舒  
鴈縱陰開北門古法久弗驗羣祠益致勤徧走于境內

神兮若不聞或時得泛灑濛濛才濕塵豐年望既絕節  
候俄秋分忽爾降大澍霄冥連日昏垂空狀戰戟入雷  
疑傾盆禾田十九死強漬枯槁根蕭稂賤易活勢茂如  
逢春蛙黷渴易滿泥躍嬉成羣濟物乃容易應時何艱  
辛輟鮒骨已壞徐激西江津谷黍霜已厚始調鄒律溫  
天氣孰可問對之空氣吞

喜雪荅趙宗道學士

去年大雪如山積今年大旱千里赤凍民虛死麥實少

稻子空乾無一獲陰陽之沴已過差物理固知當反極  
入冬和氣漸融怡霈澤時時蘓土脈廣莫朝來一陣寒  
變作雪花紛亂坼瓊樹瑤臺豁眼明直疑悞到神仙宅  
城中喜色與歡聲併在高樓歌舞席老農視之笑復啼  
大言累歲遭凶厄纔下種時雨雪多禾稼欲成無一滴  
此回雖有豐登兆未信天公真愛惜太守聞之亦慘顏  
造化誠哉非易測但願天意悔前禍豈使吾民常感感

閱古堂

仲尼大聖人文武亦云學況其下者乎而不事龍琢伊  
予之逢辰進本任愚樸今辱寄中山地重扼幽朔日懼  
不克堪誤上所柬擢古之良守帥功業甚奇卓思以救  
空疎志慕極堅確後圃新吾堂左右謹圖摸公餘時縱  
觀大可做齷齪奔雷發聾聵暖日破昏濁苟能奉規矩  
曷愧大匠斲或此賢賓僚指顧便揚擢四座企清風耳  
目外優樂子好虛名哉事實出誠慙庶幾得消塵聊以  
助海嶽唯有大忠心不在先覺覺

金史卷一百一十五  
卷一  
衆春園

中山雄北邊地得要害扼烽警昔未徹民日困兵革一  
從無事來歷祀且半百戈矛既錢鏹比屋遂仁宅人生  
亦自勞營業鮮暇隙誠哉百日勤固願一日適為政本  
人情三代所不易漢吏稱循良在宣布恩澤茲吾治廢  
園大揭衆春額庶乎時節遊使見太平迹園中何所有  
風物難具籍方塘百畝餘遙派逗寒碧虛亭跨彩橋孤  
嶼聳幽石環堤柳萬株無時張翠帟移得江南天不覺



萬里隔芳林灼灼花次第錦繡坼三春爛熳時為民開  
宴席觀者如堵牆士女雜城陌野態得天真靚粧非俗  
格惟意任所如去來何絡繹多歡知有今勝致駭非昔  
如登老氏臺懷抱罔不釋既以休吾民又足奉嘉客清  
暑暨涼秋池景尤可惜紅蕖四照香風送入絺綌乘興  
命輕舟縱賞緩撐刺芳餌須鱸資綠房欣手摘就飲圓  
荷中一當數大白時見羣鷗飛驚此紅袖拍獻酬如未  
快申令喜相掬或見大敵怯便可遺巾幘酣戰方氣振

平  
俄景忽晡夕人笑山公歸酩酊倒中憤誰知酩酊心  
自有制勝策

覽資政富公新詩

賢輔于朝廷中外唯所用中則翊萬樞天業日以重外  
則泰一方君治亦云共公今得淮康大廈輟隆棟惠政  
聊一施萬室絕愁痛獄訟不復煩甘脆誠足奉優游為  
文章六義本規諷長篇燦巨軸郵驛邈見送發函捧瓊  
瑰再拜喜吟誦高調既古雅奇格復豪縱鈞天張廣樂

累夕駭俗夢宛馬歷夷途萬里不可控李杜若復生屈  
伏事非恐况夫淺淺流固莫測源洞何時衮衣歸瞻望  
慰民衆事業追夔龍風烈陋姚宋曰賡元首歌間助薰  
琴弄太平告成功郊廟形嘉頌九奏人神和舞獸而儀  
鳳休聞狼跋詩萬世發長慟

謝資政富公再以近詩見寄

惟公之所存致后協二典當入相天子賢業遂大展萬  
類隨坏陶四時無盪舛如何守一藩疾甚斥和扁遂令

康濟功鬱抑未恢顯寄懷吟咏間唯以道自遣公才如  
河源渾渾日東演洪濤奔巨海萬里縱傾卷小哉西北  
流孰可議深淺公思如天匠春物歸裁剗珍叢與奇葩  
萬態極婉孌一一得天真倣象困彫剪河源無時窮天  
匠非世辨胡為每成編遂以貶罷輒裸壤本無知安足  
道文冕俚耳固不通烏用奏姑洗我實知公心愛我久  
益腴誘我進學勤要在納諸善我素荷公德公教敢不  
踐諷誦復宗師夙夜以自勉

苦熱

皇祐辛卯夏六月朔伏暑始伏之七日大熱極炎苦赫  
日燒扶桑焰焰指亭午陽鳥自焦鑠垂翅不西舉炎翻  
四海波天地入烹煮蛟龍竄潭穴汗喘不敢雨雷神抱  
桴逃不顧車裂鼓豈無堂室深氣鬱如炊釜豈無臺榭  
高風毒如遭蠱直疑萬類繁盡欲變脩脯嘗聞崑閬間  
別有神仙宇雷散滌煩襟玉漿清濁腑吾欲飛而往於  
義不獨處安得世上人同日生毛羽

後園寒步

如何天地舉寒令獨將殺氣凌邊遐  
公園跬步亦難往  
試來舉目成吁嗟  
長空黯淡作愁色  
日光似透雲還遮  
朔風刮面不吹雪  
徒擾萬竅掀黃沙  
園中索寞不可狀  
唯視衆木攢枯槎  
有如漢將肅行陣  
遠涉大漠平番家  
貔貅凍列樹營壁  
巨矛長戟何交加  
老松一二柯葉在  
外皮皴裂埋殭蛇  
幽禽聲好久絕聽  
孤城遠近號飢鷗  
齋中酒熱忍自酌  
幾何貧戶無纖麻  
冥官持權用意惡

直欲萬類殲陰邪窮巖極烈勢未已不知泉底生陽芽

臘日出獵近郊

悲風吼林霜草白殺氣稜稜慘空碧因畋講事此其時  
况值嘉平農已隙暫整和門出近郊獵獵旌旗原燒赤  
狩場一望天四垂貔虎意豪猶恨窄鼓動圍開翼復箕  
人知部分如刀劃飛走竄伏不得暇狡兔幸生徒奮擲  
飢鷹眼捷翅頭健下韉風發無虛搦拳交擊或未仆  
繼嗾韓盧追以咋忽穿叢薄失所捕恥焉便縱摩霄翮

不似寒鴟得腐鼠傲然直視鴛鴦嚇鳥鵲雉鳴足數  
亦有晨風競搜索其間駭獸欲陵突悍卒爭趨矜手格  
前驅反旆弗及舍丘山大委虞中獲翻車瀉酒犒士衆  
萬刀剗肉恣燔炙塞防寓令豈徒然不在詩人刺荒癖  
王者設官猶取衆大姦宿猾許擒扼乘時廢職莫自效  
勿謂鷙鳥無全策別有老狐智計巧只就高城營窟宅  
疑冰識拔行步穩此日胡由見踪跡鵬兮鵬兮未得志  
將軍憤懣如何釋



病鶴貽劉易

塵寰病思苦仙府歸魂勞  
禿翼敗風霰卑棲掩蓬蒿  
池圃擯時玩鷄鳧豈吾曹  
誰知牢落心萬里孤雲高

示直彥

人惟萬物靈各肖天地貌  
中人無賢愚在稟父師教  
稟則道業成奮躍出泥淖  
不稟墜素風陷身于不孝  
汝父最汝憐五歲入學校  
文采冀日彰謂如隱霧豹  
不見汝成人齎恨掩泉窖  
汝兮胡不思先矩勉而儆  
奈何一夕

眠乃至巳午覺開口受飲食摩腹混笑鬧四體遂吾懶  
萬事絕掛撓習焉而忘返紈綺事不較高秋八月涼蚊  
蟻罷蒙罩燃膏繼晝景著撰勤節抄詔舉有前期富貴  
孰不樂忍捐卿相科甘坐閱醯醢

安陽集卷一

欽定四庫全書薈要卷一萬四千一百七十七

集部

安陽集卷二

宋 韓琦 撰

古風二十二首

謝宮師杜公寄惠草書

公之德業天下重四海萬物思坏鑪太平之策未全發  
先朝請老叩帝居天子只欲勵薄俗不惜一夔從二疎  
公持儉節出天性下逮萬世清風孤歸卜睢陽旋營第

棟宇僅足容妻孥自此間燕何所樂非絲非竹非歌壺  
經史日與聖賢遇參以吟詠為自娛興來弄翰尤得意  
真楷之外精草書因書乞得字數幅伯英筋肉羲之膚  
字體真渾遠到古神馬初見八卦圖精神熠熠欲飛動  
鸞鳳鼓舞龍蛇攄天姿瘦硬斥俗軟狂藤束纏巖松枯  
中含婉媚更可愛千葩萬萼爭春敷開合向背一皆好  
造化欲銜天工夫張旭雖顛懷素逸較以年力非公徒  
公今眉壽俯八十老筆勁健自古無固知大賢不世出

百福來萃相所扶公之佳壻蘇子美得公一二名已沾  
矜奇恃雋頗自放質之公法慙豪麗乘歡捧以示僚屬  
一坐聳駭歎且呼便欲刻石傳不朽荒邊匠拙無人模  
歸來一一戒兒姪祕重世與家謀俱重巾密橐寘吾室  
寶護直比驪領珠神物孰敢容易探電電霹靂來須臾  
遊開化寺

開化得地勝崇侈何代作全山鑱佛身萬木亘高閣突  
然數百尺較力陋禹鑿峯巒翠環合與寺為郭郭煙霞

無四時為我張

去

幄幙飛泉乘空來直在庭砌落松栢

森成行鬪狀蛟龍惡如整萬人陣偏伍不敢錯春芳難

悉名紅紫競灼灼點綴巖壁間圖畫曾未若距城纔一

舍曠絕類霄堦噫吾何自勞日窘吏事縛到官踰二朞

未克造林壑引疾得鄉邦晝錦行遂著猛拋公几煩不

負真境約精廬始一登百慮已澄擴徘徊延賓僚開席

盛燕酌歌留嶺上雲吹亂風前鐸勿譏清賞累粗糲東

山樂數刻方暫歡俄景忽西薄歸鞅下危岑眷戀心欲

却何處無林泉隔闕牽寵爵終期報國家功業效涓勺  
連露乞骸章不待七十削歸來解朝紳放意任衡霍超  
然出世紛安步適沖漠山蔬充盤筵村釀滿瓢杓吾壽  
此其全何必不死藥

再賦

蒙山崦裏藏禪宮朝蒼暮翠嵐光濃枯松老栢競醜怪  
危巒峻嶺相彌縫劍峽路歧唯少棧榆關氣象全無烽  
恩深報淺來未得暫留金節開塵容

晉祠魚池

女郎祠下池清瑩薄山脚游鱗明鑑中素恃神可託羣  
嬉不畏人似得天真樂祠者常見憐投食任爭綽且疑  
神佑之縱曉安敢摸達者時公攘羹鱠陷烹斲神乎所  
保扶未免挫陰惡何如致君人其道本宏博天下日唐  
虞聲教盡薰灼推此及微類魚鼈得咸若

難老泉

晉源發濫觴勃勃漲春綠泓然一鑑開俯視神意肅游



儵何大繁戢戢鬧如粥烏能污吾清更足示容蓄中或  
起蛟龍威怒鼓天福膏澤被九區靈德潛山麓平時任  
疏達所存終海瀆常豐沃稻粱餘潤霑花木伊予臨此  
泉自得仁人勗奚專智者心奔走無停躅

甲午中秋夜不見月

中秋待月高樓上浮雲妬明逞頑黑姮娥積貯一歲光  
欲放天下不可得今夕實繫天下望未必舉世罹遮塞  
歡明感暗一時偏人不咎天雲所職吾問雲兮爾無心

胡為動與人相賊歲旱不能含雨來翻於此夜濃如墨  
吾欲獨仗倚天劍上決重陰走姦慝空中奪出黃金盤  
萬寓澄然同一色

病中望雪

日日顛風喧病枕曾無片雲飛虛空方嗟大疾被囚縛  
敢請上帝前民豐人囑衰翁略外事心存衆瘼能寬中  
紛紛盈尺諒旦夕和霽迎得春融融

離并州至晉祠次韻荅宣徽富公

公名傑出天下賢終身師慕常顓顓十年一面數日別  
行行不忍移歸輶剛腸出淚收還注感公知己難違去  
黃昏病作宿荒城離緒不堪紛似雨

塗次荅宣徽富公書意

臨并踰二朞病感居其半雖以志自勉精識奈耗亂故  
於一道事十六七不幹貪權莫即辭罪大孰可逭納節  
求本邦所幸脫誅竄君仁惻至誠亟俾賢者換與公同  
心人金固其利斷安然解印歸萬喜無一惋為別信宿

來書日慰愚懦張瑟久不調易調猶未斷非才辱公知  
處道誠一貫至於措置間在理有殊判不當牽以私經  
畫誤遠筭願公新政條布若星日燦害邊者剷除垢俗  
者滌浣使茲全晉民比屋競聳觀僕遠聞公為省過安  
敢憚雖有好事徒議論惡得間

畫錦堂

古人之富貴貴歸本郡縣譬若衣錦遊白晝自光綸不  
則如夜行雖麗胡由見事累載方冊今復著俚諺或紆

太守章或擁使者傳歌樵忘故窮滌器掩前賤所得快  
恩仇愛惡任驕狃其志止于此士固不足羨茲予來舊  
邦意弗在矜街以疾而量力懼莫稱方面抗表納金節  
假守冀鄉便帝曰其汝俞建肅往臨殿行路不云非觀  
歎溢郊甸病軀諧少休先隴遂完繕歲時存父老伏臘  
潔親薦思榮孰與偕衰劣愧獨擅公餘新此堂夫豈事  
飲燕亦非張美名輕薄詫紳弁重祿許安閑顧已常兢  
戰庶一視題榜則念報主眷汝報能何為進道確無倦

忠義聳大節匪石烏可轉雖前有鼎鑊死耳誓不變丹  
誠難悉陳感泣對筆硯

康樂園

惟人生多艱康世豈易偶服業罔不勤樂事豈常有朝  
家恩澤寬宣布在封守體民當有時使得遂仁壽時而  
無所適是不守之咎相署雖有園狹陋日已久州人歲  
節遊若度一筒口至則無足觀疊跡但虛走遂令歡賞  
心歸去成煩嘔有圃隔牙城廣袤半百畝我來闕而通

高戶敞軒牖其中完廢臺雄壯卑培塿城野四望間萬  
景如在手疏池育蓮芰表道植楊柳糞壤悉反平除桃  
李換葱韭成時寒食春觀者惟恐後人一變壅闕曠若  
在郊數或相攜以歌或相醉以酒知為太平民歎語競  
聚首曰非時之康還得此樂不予因揭是名命意安敢  
苟凡茲屏翰賢一境實父母必與衆同樂斯地肯藜藿  
作詩告來者庶可傳不朽

休逸臺

牙城之北即大圃中有廢臺名抱螺基圓有道盤屈上  
故以螺目義匪佗當時興者擇地審氣象壘塹形勢多  
今如孤塚但荊棘不知隳壞年幾何背城人迹既罕到  
往往滿歲無一過我來侵圃治兵庫得披榛莽登巍巍  
襟懷豁若出塵外四視天末窮纖羅滿城風物聚掌上  
紅芳綠樹明交柯太行之下不可數萬峯起落如翻波  
北來州域盡平地孰若舊鄴襟山河此為遊覽最佳處  
遂施畚築完陂陀臺頭結宇尚簡朴臺面甃甃嚴鐫磨



魏宮冰井久堙沒鐵梁有四淪耕禾精剛之質不少動  
俚俗傳訛鄰妖訛云有神物常默護守令千百無敢拖  
我憐古物輦而至為臺之柱植四阿州人聞至極驚異  
就臺觀者肩相摩榜以休逸豈獨尚與衆共樂乘春和  
主人間復命賓酌樽前隨分絃且歌病來飲興直衰淺  
獻酬勉強顏須酡退嘗內省爾何德爾求自逸人譏訶  
反思吾本任忠義日不作偽心無頗君恩至厚假鄉守  
正宜休此祛餘病尪孱報國未能奮慨然倚檻空長哦

荅章望之祕校惠詩求古瓦硯

魏宮之廢知幾春其間萬事成埃塵唯有昭陽殿瓦不  
可壞埋沒曠野迷荒榛陶甄之法世莫得但貴美璞踰  
方珉數百年來取為硯墨光爛發波成輪求之日盛得  
日少片材無異圭璧珍巧工近歲知衆寶雜以假偽規  
錢緡頭方面凸槩難別千百未有三二真我來本邦責  
鄴令朝搜暮索勞精神遺基壞地偏阮窟始獲一瓦全  
元淳鮮斑着骨尚乾翠夜雨點漬痕如新當時此復近

簷溜印以篆字花其脣磨礮累日喜成就要完舊質知  
無倫吾才寡陋不足稱思與好古能文人好古能文今  
者誰武寧祕書章表民無詩尚欲兩手付何況大雅之  
奏聞鏗純

荅陳舜俞推官惠詩求全瓦古硯

鄴宮廢瓦埋荒草取之為硯成堅好求者如麻幾百年  
宜乎今日難搜討吾邦匠巧世其業能辨瓌奇幼而老  
隨材就器固不遺大則梁棟細棼橑必須完者始稱珍

何殊巨海尋三島荆人之壁尚有瑕夏后之璜豈無考  
況乎此物出坏陶千耕萬斲常翻攪吾今所得不專全  
祕若英瑤藉文縑君詩苦擇未如意持贈只虞哈絕倒  
君不見鎮圭尺二瑁四寸大小雖異皆君寶

觀胡九齡負外畫牛

丹青之筆奪造化能者幾何登品錄蛟龍獐惡鬼神怒  
更工不接時人目有形之物至者稀是否難欺衆所矚  
絳臺胡掾文章外偏向畫牛其好酷海內馳名三十年

得者珍藏過金玉老來纔始着青衫養親不及朝家祿  
前日野服忽相過云訪恩知走京轂微風入指未能畫  
示我蠟本數十幅採撫諸家百餘狀毫端古意多含蓄  
鬬者取力全在角卧者稱身全在腹立身髣髴精神慢  
背者分數頭項促行者動作皆得羣乳者顧視真憐犢  
當流汨戲益自在欲渡或疑猶蓄縮從容飲嚙得天真  
荷鞭時有童兒牧或橫一笛坐牛角便是無聲太平曲  
江天雨雪易溟濛風勢掀號摧古木欹斜蓑笠趁牛歸

蕭疎暮景煙村宿奇哉胡掾老筆不可到戴叟重生須  
死伏吾觀諸牛之態雖盡妙尚有所遺思未熟牛於生  
民功最大不畫牛功牛亦辱胡君胡君聽我言別選輕  
綃成巨軸寫出區區耒耜勤貴知天下由吾方食足

中秋對月送姚闕教授南歸

去歲中秋安帥并今歲中秋病守相并筵極口詈浮雲  
終夕蟾光被遮障相臺此夜天如水露壓涼風秋氣王  
有客軒然襟義高直自睢陽來一訪相與僚賢共茲賞

坐看玉輪從海上皓色疑專白帝權晴舒萬寓俱澄曠  
斜漢昭回列緯繁收縮精神烏敢放有如大臣得時用  
上化恢宣賢業暢千官戢伏任施設默默坏陶從巧匠  
金波漸轉落金樽酒色映空寒動蕩一宵清景換塵寰  
自得詩人難擬狀時揮大白目嬋娟意入杳冥搜絕唱  
勿嗤幽圃陋吾邦吾樂不知崑與閬人生聚散固難必  
明年此會知何向相逢對月復開懷詩筆鬪豪杯鬪量  
不然千里起相思百尺樓高同一望

喜雪

至和乙未夏二麥死大旱秋田不下種熬然六月半天  
意忽垂惻滂澤遂瀰漫九穀飽甘滋時若被溉灌一變  
大有年農籍脫逋竄既豐復不雨累月病乾曠驕陽發  
仲冬溫氣襲閭閻歛輸誠無艱瘡癘恐莫追何期日至  
前風怒陰不散吹開六出花空際自凌亂徐徐失埃氛  
稍稍重枝幹移時平瓦隴建夕沒田畔雖下不及尺近  
歲亦稀看瑞牒宜首書他物烏足冠始寤天之神俾下



不可筭小民徒怨咨一顧回屯難君子當信天夷險存  
大觀惠姦豈固然福善終冥判吾喜開吾樽對客共歡  
歎一病久誠飲當席由吾斷引滿且酣歌輕凜談間扞  
未必不因此反得攄吾患

別鎮陽監倉陳薦祕丞

一紀帥三垂待士敢不至推誠以求應百不得二三彥  
升其應者所應由道義幕中六七年始卒無少異嚴霜  
摧萬木老栢彌蒼翠烈火熾三日良玉自溫粹奉親不

可留含笑就委吏須代處沼邑潔羞勤以遂我病來相  
臺去客無所覲彥升兩見過顧舊不顧利言別之遠官  
駕櫪飼騏驥啼齧慎勿較所困非吾類自古賢者為爭  
免不肖忌坐待天衢亭萬里觀騰轡

寒食親拜二墳因誡子姪

春色清且明節盛一百五寒食遵遺俗潑火霽微雨非  
才忝國恩因病得吾土何以知殊榮此日奉宗祖新安  
惟皇考豐安則王父松楸各萬株崗勢擁城府二塋相

去間近止一舍許前曉揭旌牙蠲潔且壘俎芬馨達孝  
誠優若侍容語禮成無一違觀者競牆堵退惟愚小子  
未老膺旄斧顧已胡能然世德大門戶思為後嗣誠永  
永著家矩子姪聽吾言汝各志心膺汝曹生綺紈得仕  
匪難苦學業勤則成富貴汝自取仁睦周吾親忠義報  
吾主間須求便官墳隴善完補死則託二塋慎勿葬他  
所得從祖考游魂魄自寧處無惑葬師言背親圖福祐  
有一廢吾言汝行則夷虜宗族正其罪聲伐可鳴鼓宗

族不繩之鬼得而誅汝

初赴早朝

疎星掛闕角落月含輕雲兀兀馬上身叱叱馬前人瘦  
骨酸秋霜病腫昏陌塵自顧爾空空胡以裨吾君

次韻荅子淵學士

憶昔明道初窮冬極短晝給札金鑾坡孤拙並髦秀諸  
公名世才奮筆若神祐蕪辭亦見收聖造等天覆子淵  
親契深實出同試右自茲接珍羣軒翼壯紫宙忠義必

相勉權利孰肯就洞照無隱情曾臆爛辰宿宦路有亨  
塞叨竊愧鄙陋何時聚德星一慰荀陳舊

寄題西京致政張郎中靜居院

休官得宴閑理固居處靜中或不自達觸物撓天性遂  
令優游心反致寂寞病二川有耆英識豈斯人並周才  
當要職美譽著羣聽氣體殊未衰援禮請還政安車得  
西歸燕沒治三徑蕭然絕世紛日以道自勝以靜名厥  
居内外了相稱君懷本清虛復此林泉瑩君道本和樂

況有琴樽命新堂闕四隅立意尤高迥

院之四堂有夷  
心會真清白金

蘭之夷襟造真境友益具子令藥品稽神仙門法尚忠

目正肌膚松菊香

君餌松菊  
已如故云

庭砌芝蘭盛天宜錫難老以

示君子慶予亦希君者誤寵竊機柄無裨紫極尊動有  
赤松興報國苟銚銖竄身違陷穽雅志吁未諧高山徒  
景行

安陽集卷二

欽定四庫全書薈要卷一萬四千一百七十八

集部

安陽集卷三

宋 韓琦 撰

古風九首

戊申臘寒

朔風吹苦寒近歲省未有重裘不可禦凍袖敢出手初  
嚴刮面膚漸虐搖臂肘終難凌壯肌殊易挫衰朽持觴  
欲為敵病胃怯戰酒茵慄通作冰強卧安得久擁鼻反

收吟其孰噤汝口何心窺園池銳意墜戶牖流庸方滿  
塗天不念黔首吁嗟卒無奈默坐筭五九

榮歸堂

非才忝四鄰待罪涉一紀妨賢得云久不退不自恥永  
厚復土初疊奏犯斧宸乞身臨本邦夕疾便攝理帝曰  
吁汝琦輔翼甚勞止今俾爾榮歸揭節治故里均逸向  
盛辰寵異固絕擬整裝將北轅羌豐兆西鄙俄易帥咸  
秦旰食諭所倚艱難惡敢辭奔走奉寄委天聲方震揚



狡穴懼夷毀款塞械凶酋唯幸赦狂詭疆事計日寧拙  
疹乘衰起披誠叩上仁再遂守桑梓尫疲解劇煩宴息  
良自喜園池昔恢拓顧覽盡遺軌獨於北塘北地勝失  
經始前人欲興作就此創基址中輟如有待命我成斯  
美鳩材亟僱功因陋謹增侈芳林環密陰鯨口下洄水  
吾堂据其陽萬象來明煒匪直怡病襟間足具賓簋僚  
屬請吾名在景或在已吾謂夸風光未若尊制旨視勝  
以思報義實畫錦比或笑此翁愚榮極尚不已鄉閭得

暫休胡自勤勤耳吾曰勤雖愚吾慮亦長矣天地施大  
恩報止盡螻蟻終期謝貴仕歸第保頽齒吾舍與公居  
相去百舉跬豈無賢太守有意待園綺安車時一來為  
我此加禮

謝并帥王仲儀端明惠葡萄酒

并門昔歲叨擁旄公厨酒熟醺葡萄公時帥渭輒馳獻  
助臨軍享投芳醪辱公詩荅極愛重氣骨雅健凌風騷  
公今大鹵盛開府我得鄉守均疲勞却煩新釀遠相遺

故人義比丘山高哀翁拜賜喜自酌持杯有感生鬱陶  
憶昨朔邊被朝寄亭燧滅警兵鋒韜時平會數景物好  
齒髮未老曾襟豪當筵引滿角勝負金船灑溢翻紅濤  
間折圓荷代舉酌坐客駭去如奔逃我乘餘勇興尚逸  
直欲拍浮騰巨艘此來病質極枯瘠兩目眇淚顛無毛  
較前飲量復何有十分耗謝餘釐毫復嬰風眩戒食味  
嚙口絕望霑珍螯雖然公醞敢輕用留吞藥劑傾甘膏  
縱逢嘉客銜公貺三爵已命緘封牢錦堂風和弄弱柳

螺榭日暖烘天桃茲辰慶我重加惠勉與父老同春遨

安正堂

公居胡葺為非事土木盛湫陋必氣鬱爽塏則神瑩全  
魏今別都地總北道勝輶傳既旁午牒訴亦紛競惟日  
過目前豈暇圖休靜因仍府舍間敝壞殊不稱茲余忝  
帥守上責賦荒政無術濟飢流感速賴仁聖連書大有  
年愁感變謳詠漸舒緩集勞獲治淹痼病願生擇所宜  
宴息務清迴乘閑新此堂庶用安吾正汝正果何如自

得本天性進特仗孤忠退免全剛勁內確信吾守外一  
歸諸命安然而處思吾宇甚泰定詩酒延嘉賓二戰或  
酣管笙歌樂良辰高郢下淫鄭射圃夾羣芳角妙資豪  
興所適敢專享意實在遐覓繼來皆鉅公同調決相應  
從容坐鎮餘浩氣端而挺將寧道德淵諒悉欣流泳知  
不廢吾堂是可以前慶

善養堂

金銅飾巨扉其上覆高屋青石鑿雙轍其下走雕轂東

西翼危墉陰以扞攻觸自昔藩鎮強尚此存遺蹟後守  
營厥居鄆擬苦迫促余來亦患之重改敢輕速會茲歲  
月深朽敗鮮完木一旦忽傾摧僭迹詎可復余得矯前  
為命徒墮舊築堂皇遂延衰興寢適涼燠廊廡悉舒明  
瞻望快耳目移樓成廣廈面勢壓平陸既忘登陟勞又  
遠顛躋辱外將延賓僚內足燕親族乘閑娛詩書遇節  
振絲竹頤真與放懷動靜獲所欲於氣貴能養在禮思  
無瀆侯邦謹法度是克綏遐福踰制苟幸免更久猶追

戮吾居已絕嫌道義斯同育

孫賁書記以齊安舊文為示感而成詠

余兄天聖中尚抑齊安守余遭所生憂得歸侍左右孤  
焚獲苟存朝夕賴誨誘兄材無不宜吏治孰可偶公庭  
常寂然所樂在文酒臨江三四樓次第壓城首山光拂  
軒檻波影撼窓牖原鵠歛集間萬景皆吾有兄詩豪且  
奇氣燄摩星斗優游預賡和惟自愧荒醜于今四十年  
日月甚奔走當時相聚者十已喪八九嘗為春亭記烏

敢示不朽孫君里中來云亭廢亦久徒有舊文在況足  
失其手兄後見曾孫弟老成衰叟一身雖寵榮百慮鎮  
紛糾何如昔日歡投泣念愛友

開泉

先塋東北隅有泉勃而出奔跳若爨鼎萬眼沸不一始  
雖稍泓澄漸乃肆沕滴吾嘗展祀餘愛玩必終日爰從  
大旱來數歲竭如室傷哉利澤源頓爾藏於密吾今具  
畚鍤試欲疏潛屈開無數尺間舊脈俄騰溢涓涓力尚



微勢已舒沈鬱我願天道常不使五行失均調四氣和  
寒燠皆從律宣其潤下功復得霑羣物

虛心堂會陳龍圖

余嘗愛此君中虛外有節手植數年間萬戟競森列為  
堂於其中一境遂清絕雖歸臨本邦事豈免羈紲不得  
時相親固負好風月方將乞殘骸就第養衰拙孤懷造  
崑閬直氣卷金鐵終日對嬋娟卒歲伴高潔春來忘芳  
菲夏至失炎熱秋深凌嚴霜冬暮映積雪居無一不宜

嘯傲遠塵媒茲樂期誰同實係長者轍相從挹天真共  
話到禪悅簪籜豸冠聳粒筍犀株折乘醉卧疎影敲玉  
應仙闕此志吁未遂對酒勿輕別

醉白堂

懃老新成池上堂因憶樂天池上篇樂天先識勇退早  
凜凜萬世清風傳古人中求尚難擬自顧愚者孰可肩  
但舉當時池上物媿今之有殊未全池東無凜貯餘粟  
池西無亭揮五絃中無高橋跨三島下壓鼇背浮清漣

其間合奏散序者童妓百指皆嬋娟平無三石展湘簾  
靜無雙鶴翹丁仙雅無吳郡青版舫游泛安便牢且堅  
吾今謀退亦易足池南大屋藏羣編一車豈若萬籍富  
子孫得以精覃研夾堂修竹抱幽翠森森擁檻竿逾千  
池中所出粗可愛芡盤菱角紅白蓮芍藥多名來江都  
牡丹絕艷移洛川及時花發池左右香苞爛染朝霞鮮  
鰲老于此興不淺間會賓屬陳芳筵妖妍姬侍目嘉卉  
呬啞絲竹聽平流泉宜城釀法亦云美詩酒僅可追前

賢狂吟氣健薄霄漢豪飲體放忘貂蟬酒酣陶陶睡席  
上醉鄉何有但浩然人生所適貴自適斯適豈異白樂  
天未能得謝已如此得謝吾樂知誰先

安陽集卷三